

مکرمہ اخبار

ادبی و سیاسی رسالہ اسبوعیہ در

۳۱ بجی سنہ

۲۶ شوال ۱۳۴۹

پنجشنبہ

جزء عدد : ۱۱۷

بزکھانتدہ بولندق بیان حقیقت ایلدک

یکن سنہ افرنجی ایلولک ۲۸ زی تاریخی تصویر افکارده - کہ تام سنہ سنده
کونی کونہ ایتالیا لیلر اعلان حرب ایتشدرد - طرابلس غرب حقندہ •

— بلاد بربریہ من —

عنوانیلہ افادات آئیہده بولنش ایلدک :

« نگاه ابتضاری کشاده بولنان وطنپرور برذادن آلدیغمز مکتوبده ، بلاد بربریہ منک
حال حاضرندن بالاستدلال معروض بولندیقی تہلکہ مستقبلہ اوزرینہ بیاناتده بولنلقدهدر .
صاحب مکتوب ، مصلحتہ بر آئی قدر طرابلس غربده بولنش ، مملکتک حال حاضرینی
کوزمش ؛ اورالردہ جاری اولان حالانہ واقف اولشدرد . مکتوبده تصویر اولنان احوالہ
نظراً مملکت ، همان صاحبسز دینہجک برشکلده اداره اولنلقدهدر .
ایتالیانلر او قطعہ مبارکینی ، وطنک الیوم آفریقاده کی اولطیف ، او استقبالی
کثیرالوعده ، یکانہ فقط معظم بارچہ سی - شمدیلک حرباً ضبط ایتکی متعذر کورملرینہ مبنی -
اقتصاداً تسخیرہ عزم ایتشدرد ؛ بو بولتیقہ بی تعلیقہ باشلامشدر .

[با تقو دی روما] نامنده کی ایتالیا ملی با تقه سینک متخذی ارلان مدھش پلانلره ، آرجوق وقوف پیدا ایدن اصحاب بصیرت ، بوقطعه نك پكده بعید اولیان استقبال فلاکت اشمالی نامنه ، شمدیدن اسالہ دوغ مایوسیتدن نفسنی ضبط ابدہ مر . نه فائده كه تھلكدن قورتلق ایچون گوز یاشی فائده ویرمر . گوزمری آچق ، فلاکت ناكھانی به اوغراماق ایچون بلانك نه دن عبارت اولدیفنی گورمك لازم گلور .

[با تقو دی روما] عربلره بقال دكانلری آجدریور . اوقاق اوقاق تجارتخانهلر تأسیس ایتلرینه وساطت ایدبور . تجارت ، زراعه ، اصحاب املاك و اراضی به ، همان هیچ حکمنده بر فائض مقابلنده مبالغ مهمه اقراض ایدبور .

بوگون ترقیات تجارت و زراعت نامنه مظهر اولدقلری تسهيلاتك فصل بر فكر احتراصه استناد ایتدیکنی ییجاره خلق زره دن آگلاسون ! عمومی وصی به محتاج اولان بو اهالی بی گرفتار اولدقلری بلای محققدن قورنارمغه هنوز وقت مساعددر .

حکومت ، براز متبصر طاوورانیرسه هر تھلكدنك اوکھی آکنه بیلیر . نگاه ابتصار حکومتك آفریقا ساحلنه قدر امتداددن قاصر اولدیفنه احوال ویرمیز . ایتالیا با تقه سی مملکتده اجزاخانلر تأسیس ایتش ؛ عربلره بجائاً علاج توزیع ایدبور . طرابلسه عربجه تکلم ایدر اطبا گوندرمش خلقی بجائاً نداوی ایتدیریور . کندی یارده سنه مرهم تقود تدارکندن عاجز اولان فقیر ایتالیا ، اهالیدن طویلايه بیلدیکی پاره نك ر قسمی بورالرده ، محضا انسانیت نامنه صرف ایتدیکنه قائل اولقی ایچون انسان یا ییچاره طرابلسلیر قدر صافدل اولمی ، یابزم ارباب حکومت قدر غافل بولمیلی در .

ایتالیا با تقه سی گونك برنده طرابلسده برحکمه تأسیسه تشبث ایتسه اعناد ایدلسونك مرفق اولور ؛ چونكه زمین وزمان بك مساعددر .

ایتالیانلرك طرابلسده حکمفرما اولان [پروباغندا] لری بك مدھش بر فعالیت گوسترکده در . طرابلس سواحلنده ایشلیان [فلورینو روباٹینو] واپورلرینه ایتالیا حکومتی هر سفری ایچون ۶۵۰۰ فرانق تخصیص ایتشددر . بومبلغ استصغار اولمسون . سنوی ۲۳۸,۰۰۰ فرانق ، یعنی ۱۵ بیک عثمانی لیراسی ایدر . یالگیز بر قومانیه به تخصیص ایتدیکی بومبلغدن ، خصوصات سائرده کی مقاصدنی تأمین ایچون صرف ایلدیکی پاره نك نصل مهم بر یکون تشکیل ایدم بیله جکی استدلال و تخمین اولنه بیلور .

عجبا بزم اداره مخصوصه بقایاسندن اولان کهنه واپورلرك ایکی اوچ قطعه سنی تعمیر ایدرك ایشلیه بیله جك بر حاله گتورمك ، بر بریه سواحلی ایچون بر سفر منتظم و مطرده استعمال ایتك قابلمی دکلدر ؟

حدت ذائنده نظر ربا اولان لواء عثمانی - بوسایده ، ایتالیا واپورلرنده نموج ایدن - اوچ رنکلی ایتالیان باندیرمسی رغبتدن اسقاط ایدم جکند شیه ایدلسون . عرب جاهلدر . فقط بحسب الدیانه حب وطنك لازمه ایمان اولدیفنی ادارکدن عاقل دکلدر . یالگیز امتثال ایچون مثال ایستر . اتباع ایچون متبوعك وجودی لایددر .

زراعت بانقہسی بیله میز که اورالردہ اصحاب اراضی به ایتالیا نلرک ایفا ایدہ کادیکی خدمتی ایفایہ نەدن موفق اوله میور ؟

[بانقو دی روما] دن ماعدا برطاقم اصحاب ثروت [یعنی زنکین ایتالیا نلر] دخی متصل اراضی اشترا ایتکده ، جلب ایتدکاری ادوات زراعیه بی اہالی به طاغتمقدہ درلر .
افرادک گرک ، مؤسسہ لر طرفندن ، گرک اشخاصدن ابراز اولنان بویولده کی وسائط تسہیلہ به فریفته اولملری ، ایتالیا نلرک مقاصد معلومہ سی فوق العادہ تأمین ایدہ چکندہ شہیہ محل یوقدر .

حکومتک بودقیقہ لری ادراک ایدرک خصوصات مدنیہ واقتصادیہ ده اجانبک ابراز ایتکده اولدینی وسائل تسہیلہ بی بالذات کندیبی اتخاذ ایفا ایتسی ، اورالرک استقبالی ، فقط کندی منفعت مزہ اولہرق تحت تأمینہ آلمی وجائب اموردندر .
طرابلس ، آفریقا قطعہ سندہ موجودیت عنایہ نک - پروژسز اولہرق - بکانه تمثالیدر .

ابوالضیا



ایشته دیدکلمز سنہ سندہ ظهورہ کلدی . افاداتمز کھانت وکرامت قبیلندن کلدی . چونکہ حال میداندہ وشمیدی صحنہ وقوعاتک ساحہ واسعہ سی ایتالیا نلرک ایدی احتراصاً نہ ترک اولنمش برحالدہ ایدی .

بز وظیفہ مزی ایفا ایتشدک ، [ایتالیا نلر شمدیلک اوراسنی حرباً ضبطی متعذر کورملرینہ مبنی اقتصاداً تسخیرہ عزم ایتشلر ، بو پولتیقہ بی طوتمشلر ،
کوزومزی آچق ، فلاکت ناکھانی به اوغرامامق ایچون بلانک نەدن عبارت اولدینفی کورمک لازم کلور .] دیمشدک . دها نەسویلیہ بیلیردک . واقما دها یک چوق سویلیہ چک سوز وار ایدی . فقط بر کرہ استماع ایتماک عزم ایتمش اولان حکومت غافلہ به اسماع مرآمده اصرارک هیچ فاندہ سی اولہ مازدی . چونکہ ارباب حکومت یالکیز کوتی کون ایتکی دوشنوردی . ۷۵۰ میل اوزاقده کی طرابلس غربی کیم دوشونہ چکدی .

بز [مملکت همان صاحبسز دینہ چک بر شکلده اداره اولنمقدہ در .] دیمشدک . بو بر حقیقت ایدی . والی وقوماندان اولان مشیر ابراہیم باشانک اشعاراتہ نہ باب عالی ، نہ حربیہ نظارتی قولاق آصیوردی . نہ کیم کچدہ استیضاحده بولنسی

اوزرینه ابراهیم پاشانک : (بن یدی ماه اول بورالرنی بیلدرمشدم . سویلیه جک فضله برشی نیلیورم .) مآلنده جواب و بردیکنی غزته لر یازمشدی .

مملکتک هان صاحبسز دینه جک بر شکله اولدیفنی خبر ویرشمز خلاف حقیقت اولدیفنی مؤخرأ حکومتک انخاذا ایتدیکی طورله دخی ثابت اولدی . والیکنه تعین ایدیلان ذات . اعلان حربک یوم وقوعنه قدر استانبولده آیاق سوریدی . بر قوماندان بولنوبده گوندریله مدی . فضله اوله رق قوه موجوده ۴ طابور قالدیریله رق درکه ضعه تنزیل ایدلای .

بالاده کی مقاله نی یازدیغز گوندن بری ساعتی ساعتته تام برسنه گذران اولمشدر . بومدت ظرفده اورالده نهلر یانلازدی ! مهماتی گوندریله مز . عسکرک مقداریمی تکثیر ایدیله مز . متراپیوزلرمی یوللانلاز . استحکاملرمی ترصین ایدلار . طوبلرک عددیمی آتیرلار . بیوک چاپده طوبلرمی اشترا و وضع اولنلاز . بر . حتی ایکی سنه اداره ایدمه جک ارزاقی سوق ایدیله مز . اهالی به اجتماعی . اقتصادی لازم کلان وساطتی ایفا اولنماز . مکتبلرمی آچیله ماز . زراعت و یادولت بانقلرینه (بانقو دی روما) نک غرض آلود اولان نداییرنی عقیم براقه جق تسهیلاتده بولنلمی توصیه می اولمه مازدی ؟ بو اغورده فرض ایدلم برسنده طرابلس ایچون بر میلیون لیرافدا ایتک لازم گلسون . ۳۵۰ سنه اولکی شکل اداره سیله بوگونکی گونده بر قطعه واسعه نک اداره اولنمه یجفی و آنک تأمین استقبالی بودرلو فداکارلقلره متوقف و فقط بوفداکارلقلرک فوائد مستقبله سی متکافیا متناسب اولدیفنی دور و دراز تأمله می احتیاج واردی ؟

ایتالیانلر عربجه تکلم ایدر طبیلر سوق ایتمش . اجزاخانلر آچمش . اهالی به بجائاً علاج داغتمقده دوام ایتمش . عجبا بزم لسان محلی به واقف اولمق شویله طورسون ، منسوب اولدیفنی فنی بحق عارف بر بلدیله طبیعیز وارمی ایدی ؟

کچن سنه دوریه مزده طرابلس بمعولری بر مکتب ایچون معارف بودجه سنه ۲۵ بیگ غروش ضم ایتدبر مکه موفق اوله مدیلر . بیچاره لر عادتاً لسان تضرع لرینه دموع نیاز و استرحاملرینی تشریک ایتدکلری حالده مستدعیات واقعه لرینی استماع

ایده مدیلر . حال بوکه ایستالیا پاپاسلری اطفال مسلمینی مکتبلرینه مجاناً قبول ایله محبت عامه‌یی جلبه چالشمقدن بر آن خالی قالموردی .
ایشته هیئت سابقه‌نک فراده هر برینی و مجتماً جله‌سنی مسئول ایده‌جک حالات بونلردر .

ابراهیم پاشایی نه ایچون عزل ایلدک . ایستالیانلری تطیب ایچونمی . او یله ایسه شمعی نه تلاش ایدیور؟ تطیب ایچون دکل ایسه نیچون برینه آندن دهامق قدرنی تعیین و در حال اعزام ایتمدک؟ دونکی مکتوبجیلری ، دونکی کمرکچیلری ، دونکی باشی بوزوقلری ، حاصلی میداننه چیققدقلری گونه قدر هویتلرندن کیمسه‌نک خبردار اولدیننی بر طاقم توریدیلری ، بی سروپا حریفلری ملکک هر طرفه والیلک ، متصرفلق ایله سریدک . یگرمیشر ، اوتوز ، اوزر ، اون بشر سینه‌لک اصحاب تجربه‌نک کیمنی اداره سابقه منسوب ، کیمنی جورنا لیلقله معیوب ، کیمنی تحدید سن قانوننه تابع ، کیمنی فکر آمرتجع دیهرک خدمتلرندن جکدک .
ایشته نتیجه بورالر منجر اولدی . بوگون ملکک هر طرفی بر هرج مرج ایچنده بولنمقددر .

بزه بوسوزلری شمعی سولیکده نه فائده واردر . (علاج واقعه پیش از وقوع باید کرد) دینله من . چونکه بالاده کی مقاله مزده : (بزم ارباب حکومت اوقدر غافلدرکه ایستالیا بانکسی گونک برنده طرابلسده بر محکمه تأسیسه تشبیه ایتسه اعتماد ایدلسون که موفق اولور ، چونکه زمین وزمان پک مساعددر .)
دیمشدک . دهانه سویلیه بیلیردک ، بزم بوسو یلدکلر مزک اوند برینی سوبیلان اولدیمی ؟ براز دهالسان حرارتله بیان حقیقت ایتسه ایدک (تاتارلر) ک تطیب خاطر ایچون غزته مزی قاپادان حکومت او زمان بلکه (بانقو دی روما) به ترضیه معرضنده غزته‌نی الغا ایدردی .

ماحصل کرک هیئت سابقه و کرک رجب پاشا مرحومک اورادن انفکاکندن بری اورلرک محتاج اولدیننی وسائط تحکیمیه و وسائل تنظیمیه‌یی اتخاذا و استکمالده قصور ایدن دیگر هیئتله تعیین ایدیلان والیر بومشله‌ده تمامیه مسئولدر . شواوچ

بحق سنه ظرفنده طرابلس ضربده اتخاذی الزم اولان تدبیرلر موقع تطبیقه قونمش اولسه ایدی، ایتالیانلر بوکون دگل هیچ بروقت اورایه پای انداز تجاوز اوله مازدی. بحر آا اکتساب قوت و محافظه حاکمیتز دوغایه متوقف، اوایسه پاره اولسه بیله زمانه محتاجدر. فقط اوج سنه حتی ایکی سنهده طرابلس ویریله جک استحکام و آنک تکملات اجتماعی و اقتصادی سنه ایدیله جک اقدام و بونقاط نظر دن بلا انحراف دوام ایدمش اولسه ایدی، طرابلس ضرب الی ماشالله تسلط اعدادن مصون بولنوردی. یازیق یازیق که غفلت حکومت ایله شو بلایه گرفتار اولدی .

انصاف ایدلسون ! بوکون ولایتلر منک قسم اعظمی والیسز برحاله دکلیدر. هله ارضروم کبی جار حریمزک مطمح نظری اولان بروایت مهمده والی وارمیدر، اگر داخلیه ناظر من خلفی ارانیه قدرتیاب اولورسه بزده وجودینه قناعت ایدرز .

ضمیمه

شوسه طرلری یازدیلیمز صرمده اورویا مطبوعاتده مع التأسف مسروداتمزی مصدق فقره لر اوقودق. از جمله تأییس غزیه سی برلسان حقیقته شوسوزلری ایراد ایتشدر :

..... " حرب حاضر ، تاریخده وقوعات حربیه سی پک آزیر طوته جق برحربدر ، چونکه ایتالیانلر بو حرب ایچون سنه لجه گرک عسکری ، گرک دیپلوماتیق تدارکاتده بولندیلر . ترکار ایسه بوکا مقابل هیچ بر تداکده بولندیلر . فاس حادثه سی ایسه ایتالیایه منتظر اولدییی فرصتی احضار ایتدی ، و بوفرصدن انتهازه کمال سرعت و انتظام حرکتله شتابان اولدی . و عثمانیلری هر درلومدا قعدن عاجز براقدی ، ترکار فی الحقیقه جسامتله مشهر عسگر بر قومدر . نه فائده که حکومت ، طرابلسده کی عسکرینه بر نفر ضم ایتدی . ۱ مادر وطندن اورایه

۱ بالعکس اوراده کی قوتک برقم مهمنی بمنه سوق ایتدی .

تک بر نفر ؛ کوندرمدیکی کبی تک بر طوپده سوق ایدرک لازمه تحکیمده اهل
ایندی

تایمس ، حربہ تخصیص ایندیکی بومقاله سنده دشمنک کمال انتظامنه ، بزم نقصان
وسائط مزه دائر هر حرفی بر سیخ ستم کبی قلبکاهمزی دله جک بر جوق تفصیلاتده
بولمشدر .

فون درغولتس پاشایه جواباً یازدینی بر مقاله دهده ، تایمس شو سوزلری
سویلیور :

« شبهه یوق که حاکمیت بحریه الله اولمدجّه نتیجه اعتباریله طرابلس
غریبه عسکرک کثرت و قلجّه بر فرقی یوقدر . شو قدر که طرابلس غریبه کوزلجّه
تسلیم و تحیم بر اولمش بر قوه عظیمه عسکریه بولمش اولسه و برلی (میلّس)
(یعنی قول اوغلی افرادی) تشکیل ایدلش بولسه ، ایدی ایتالیانک تحمل ایتیمی
لازم کلان بار . دها ثقیل اولوردی . و چونکه شجاعت فطریه لرینه منضم اولان
کثرت و کلّیت ایله ترکلرک مقاومتی افزایش بولور و بصورتله ایتالیانک مشکلاتی
آرتار . محاربه امتداد ایدر ؛ بوگا ایسه اوروپا تحمل ایده من . ترکلره مظاهرت
فکری گندجّه کسب قوت ایدر و نهایت حکومتلرک مداخله مشترک لری ایله ایش
پیتردی . بناء علیه : « جنرال فون درغولتس » ایله معیتی . بوگونکی حالک مسئولیتنه
اشتراکده آزاده بولنه مازلر . »

ایشته آجی و فقط غیر قابل رد بر حقیقت . ینسه بوراده ده بر دها تکرار
ایدرز ؛ غفلت حکومت و یا مسامحات متمادیه بزی شو مشکل موقعه القا و طرابلس
ضرب کبی بر قعطله مبارکیه پای منحوس اعدانک تجاویزینی تسهیل ایلدی .

